

(اگه) (اغا) ایله مناسبتی بىم آکلادیغ کى دوشینلیور ایسه، بنجه بخته موضوع اولامازلر .

بن مثاللر کزى، حکملر کزى طوغرى بولامادم، باشده عرض ایتدیکم کى، یاکیله بیلیر ویا گلش اولابیلیرم؛ هر حالده ایلشیدیکم نقطه لری اثبات بیورمه کزى ولازمکلن ایضا حارى ویرمه کزى تمى و بوضورتله مستفید اولاجمى ده عرض ایدرم .

محمد نجیب



تاریخ و آثار عقیق

هزارفن حسین افندی .

سلطان محمد رابع دورنده یتیشن فضلا و مورخیندن ذوقنون برذات اولوب (ایستانکوی) اطه سندر .

آتارندن مختصر تاریخ عمومى مقدمه سنده کینه سنى (حسین ابن جعفر ایستانکوی الشهر بهزارفن) ديه یازیور . تحصیلک بدایتى ملککنده، نهایتى (استانبول) ده اکمال ایتدی . تحصیلى بتیردیگی متعاقب بر آراق دولت خدمته گیردیسه ده صوگرالری تألیف و خصوصى تدریس ایله اشتغال آله دی . بو وجهله عمر سورمکده ایکن (۱۰۸۳) تاریخنده (استانبول) ده ارتحال ایتدی . مع التأسف مدفن تعیین ایدیله مدی . آتاری :

۱ (تنقیح التواریخ) : بر جلد اوزره مرتب اسمى گى منقح بر تاریخ عمومیدر . باشلیجه میر خوانده، جنابى، کنه الاخبار، تاریخلرندن، روم سله چوقیلریله دانشمندیلره عائد بعض فصللری ده (عالی) نك (فصول حل وعقد) دندن آلتق اوزره میدانله گلمشدر . نسخه لری (استانبول) کتبخانه لرینک ا کثرنده، أز جمله (اسعد) افندی و (حکیم اوغلو) کتبخانه لرنده واردر . سلطان محمد رابعه تاریخ تدریسى زمانده یازمشدى .

- ۲ (تاریخ دولت رومیه) : عمومیتی اعتباریله لاتین و یونان لسانلری تاریخلرندن بعض نقاطنی ده اسلام تاریخلرندن آلق شرطیله میدانه گتیرمشددر . برنسخهسی (خالص) افندی کتبخاننده موجوددر .
- ۳ (مختصر تاریخ عمومی) : کذا .
- ۴ (تحفة الادیب النافعه) : تورکجه طبعی برأثر اولوب برنسخهسی نورعثمانی کتبخانهسنده واردر .
- ۵ (محاسن الکلام والحکم فی شرح اسماء الاعظم) : تصوفی برأثر اولوب اسمی مسماسنه دلالت ایتکدهدر . مقدمهسنده طریقه نقشبندی اولدیغنی ذکر اییدیور .
- ۶ (شرح اللمعة النورانية فی الاوراد الربانية) : کذا .
- ۷ (لسان الاطبا فی لغة الادوية) : اسمنک دلالتی وجهله علمطبه دائر برلفت کتاییدر . قیمت علمیه و طیهسنک تعیین و تقدیری ایسه بوگی آثار طیه ایهده اشتغال ایدن عثمانلی اطبای کرامنه عائددر . نسخهلری (استانبول) کتبخانهلرینک بعضیلرنده واردر .
- ۸ (فهرس الاروام) : ادویهنک عربی، فارسی، عبرانی، یونانی، لسانلرنده کی مقابللرینی بیلدیرر . حروف هجاء اوزره مرتب تورکجه مفردات طب کتابی در . بونکده تقدیری اولکی گگی اطبامزنه محولدر .
- بو آثارندن باشقه (هامهر) تاریخنک (۱۱) نجی جلدینک مقدمهسنده مذکور اولان ۱۳ فصل اوزره مرتب (۱۰۸۰) تاریخنده یازیلان (قانوننامه) نکده بوذاتک اولماسی محتملدر .
- ۹ (رساله حکمیه) : حکمت اخلاق و خلقتدن باحث تورکجه بر رساله اولوب کندی آل یازیسیله محرر نسخهسی کتبخانه عاجزیدهدر .
- همشیرسی مفتی (یوسف) افدینکده ائمّه حدیث آراسنده اختلافلی اولان احادیث شریفه نک توفیق و توضیحنه دائر (تحفة دریه) اسمنده فاضلانه بر اثری واردر که برنسخهسی (خالص) افندی کتبخانهسندهدر .